

道光五年重

靖安縣志

本衙藏板

靖安縣志序

余昔初至豫章偶讀曾南豐游
雙溪詩道縣境在清華間巖谷
幽秀民無訴訟之囂意重有羨
於吏此土者故一再稱不已
余因是欣想其境嘉慶丙子果
承乏斯邑下車後歷覽川風

土信美可樂接見都人
然質有其文余一意以簡靜為
治與民休息竊幸安余之拙也
蓋十稔于茲矣自維謏劣於邑
中興舉廢墜未獲以次行每念
舊志逾甲子缺修尤滋心慙道
光癸未之春大府檄下各屬

編輯志書用備通志采錄時則
縣治文萃塏地方集廿八都紳
士籌費重新迺更進而告曰徵
文考獻端在今日乎僉率懽忻
鼓舞志事遂並舉焉開局以是
年冬月閱一寒暑而成書先是
邑之孝廉明經暨諸文學推前

新安令君舒黃房先生總其任
初稿未竟會新安君奉諱輟業
哲嗣屋庵太史適假歸里門復
延入局踵前定門類悉心纂校
間詣余商訂去從遇事虛公詳
慎不告小疲卒成善本授梓按
靖安志創自前明正統中嘉靖

以前凡經三輯皆失傳

國朝康熙癸酉剡溪高侯慨然
修復實為邑乘權輿逮乾隆辛
未舉而拓之歷三任告歲體例
規模悉稱明備今之視昔未知
於古人何如然我觀諸君子之
用心則已勤矣夫自南陽撰風

俗之書廬江有名德先賢之贊
尚已今以邑人志邑事聞見不
慮其不確而義例宜精以後人
續前書譌誤易至於相沿則考
證貴核且夫事不師古漫自毀
棄先型者妄也識拘於墟第知
墨守成迹者亦陋也陋與妄均

之無當乎修也世會日積而日
新學術愈求而愈密今茲之志
其於二者之弊庶幾眇乎余旣
歎是邦人文繼起且慰十年來
有志未逮之業一旦藉手以告
成功又得資余政教之所不及
豈非拙者之厚幸也哉太史之

言曰某承庭誥從賢侯鄉先生
後紀事載筆聊備遺忘可也以
邑人志邑事如是焉已耳於史
裁奚有余曰是志體也言外之
微指間寓於篇覽者宜有以得
之爰書此為弁首昔道光五年
歲在乙酉季春三月

勅授文林郎乾隆己酉舉人知
靖安縣事嘉慶己卯江西鄉試
同考官北平張國鈞撰



舊序

宏治志序

明訓導

王晟

靖安在禹貢爲揚州之域春秋屬吳楚之間漢唐置鎮爲保障南唐始改爲縣宋屬隆興府元屬龍興路上應斗宿之度其建置沿革山川風土人材物產之類無不悉焉宏治庚戌監察御史姑蘇唐公命晟重加修輯遂與學生搜索舊聞旁詢故老於舊志訛者正之缺者補之凡邑中疆域城郭山水風物之詳解字貢賦戶口寺觀祠廟臺榭之概名賢達士孝子節婦之始終以至仙翁釋子之可紀騷人墨客辭章之可又者罔不具載釐爲四卷唐公適他故呈於郡守東魯閻侯

伊喜曰此正吾所究心者也然書欲傳久不可忽再命晟芟
正而屬以序維邑之有志猶國之有史也史載天下之事其
體當簡而嚴志記一邑之事其體當詳以盡然而史之所書
多本於志之所錄則其所繫亦重矣是修輯者誠可忽耶抑
宣宗唐之英主也命詞臣纂次諸州境土風物爲處分語故
能成大中之治蕭何漢之賢相也收秦圖籍且知天下阨塞
戶口多寡之處故能成佐命之功彼爲天子與相天下者且
然况郡邑守令乎則其於統內山川之險易風俗之淳漓貢
賦戶口之登耗人物之盛衰奚可不究而知之以爲出治之
資也施諸政不出戶庭而得之誠於志有所賴而賢侯之喜
豈徒然哉謹書此以爲國史之裨焉

嘉靖志序

明知縣

趙公輔

方域之內星野之墟率皆有以志之而後足以備觀省故在
一郡有郡乘在一縣有縣乘卽文獻之大端不容更僕而終
者一披閱之盡章明著也然每病於弗傳非志之失所以志
之者未盡也聞之體欲其瞻以備詞欲其約以盡記載欲其
精以覈雖非國史之傳而載筆者之所貴均之爲不可易焉
但煩猥者近贍疎淡者近約過刻者近精似是之跡世相沿
襲吾無取焉予自壬戌秋承乏靖邑始至欲索一觀邑博陳
言吳君以邑志未舉告卽思爲一新之越明年春季少暇與

陽吳二邑博及紳士應銳龔邦劉俊陳定宗舒卷舒光遠熊
時中徐肯堂等建局編造兩閱月而成集予曰備矣卽流峙
生植質化變遷習俗移易之類應舉一以例其餘繼以二君
之覈實彙括兼舉例引互見巨細條縷之故隨在以致其精
予曰此可以言志矣雖未必傳示久遠然邑之情事則然也
其文獻則然也以備一方之見聞亦可謂云爾已聞靖志創
自正統間以天順年重修又以正德年重修雖經瑪瑙之變
簡編焚燬無遺今掇拾煨燼或亦贍所未贍約所未約不然
亦仍之而已不以多文自炫也爰命鏤刻置諸學官紀綱邑
治總括地宜採風者於此達觀焉或可裨其萬一矣夫古今

風氣文物類有欲闡之時其湮也若或遂之其弊也若或啟
之河馬洛龜志兩儀也三墳五典八索九邱志歷代也事與
時會文與事宜靖邑之志距今始成或亦數之適然其亦未
雕未鑿之時容有洩造化之秘宣帝王之猷者在爲之相符
以有成焉耳予也菲劣且素佩闕文之訓有日矣顧縣乘之
弗備或亦治體之有缺庸不自外以俟後之同志者

嘉靖志序

明訓導

吳 鎔

邑侯趙公黃村奉行府檄修輯縣志建局移牒命鎔任事夫
志者志五十年之事蹟也世道之升降所關辭弗獲已因集
諸紳士應銳龔邦劉俊陳定宗舒卷舒光遠熊時中徐肯堂

輦入局檢閱舊乘搜尋典故博採時事謹書備錄罔敢遺謬
山川草木仙釋寺觀壇祠因其舊而已若建置則首修城暨
及費宮官司則次歷任顯著者登於名宦科貢則記出身賢
俊者表諸鄉賢忠臣孝子義夫節婦皆有所取以勵風教義
民不沒其輸粟之誠者民與其向善之美補輯考訂類聚成
編分爲六卷之綱之紀有條不紊凡此不過使邑之後進得
以循名而責實原始而考終也敢曰定褒貶示勸懲乎哉孟
冬志成獻侯侯又刪其繁亂提綱挈領斟酌損益以成館之
所不及者多也旣而鳩工鋟梓屬館敘於後館曰極知僭踰
無所逃罪况敢附於我公之末也耶二三子固請曰趙侯惠
我民庶惇尚教化其茲文獻善政之大旣任其事曷容以無
言哉是以自忘猥陋續諸公之末以紀其畧深懼責有弗勝
再俟後之君子

康熙癸酉志序

國朝知縣 高克藩

班史有八志有列傳後之郡縣志皆其遺意也但當時與國
史合而爲一後世判爲二書大抵史之紀事提挈要領而志
則搜羅纖嗇不嫌其詳史之紀人褒誅謹嚴而志則表彰美
善無取乎貶蓋其體制不同如此然而亥豕魯魚傳聞不一
詳者必訂其訛賢否疑似情勢易淆褒者必去其濫是則不
同中其旨又未嘗不合也靖安縣志創自正統重修於宏治

庚戌至嘉靖乙丑邑令趙公黃村輯而新之至於今一百二十餘年矣滄桑變更者舊凋謝遺文湮於榛莽故事沒於樵漁及今不修後此有訪求文獻輯續簡編致嘆於杞宋之無徵者非司牧之羞而誰羞歟况志非細故也分野災祥天文備焉山川疆域地理悉焉創制立法裁成輔相人事昭焉而且官制賦役祭祀營建禮樂兵革無一不具則於志而可見六官之制度焉忠貞慈孝節烈友義耆舊德行無一不載則於志而可見五品之行誼焉其餘鳥獸草木米鹽茶蔬雖小不遺賦頌詩歌箴銘傳贊有美必錄則於志而更可以博物多識焉在上者而不通乎志之義則國無善政在下者而不通乎志之理則野無善俗若徒委爲藝文末務漫不加意其何能免於操刀學製之譏耶余爲此懼自涖靖以來久與鄉士大夫商畧舉行壬申之冬大中丞馬公節鉞江右諮詢利弊俯免未議方伯盧公刺史張公大書條教檄行修舉於是遍申採訪徵集紳士設局分曹蒐羅討論彙輯則屬之孝廉舒君其璠明經舒君銑分類編次則屬之孝廉徐君玠明經舒君調哀舒君大儒校正則屬之諸生錢兆雍徐益陳以珥趙璧漆全孝涂桂學博李君日彰總其功邑尉沈君銑勦其事越一月而稿成余乃悉心靜氣翻閱通志府志舊志諸史以及報呈文卷文集行狀下及詩傳雜文方謠土語無不披

見諸觀然後取志稿而手加訂定焉繁者刪之缺者補之信
者存之疑者闕之俚者易之以雅駁者易之以純條目之下
凡有關於政治者間附已意發明之其詩賦傳記雜著不另
列藝文卽附本條之下以便觀覽其續載孝子節婦善人義
士非聞見之確不敢入以防冒濫下至大書小書比事屬詞
之類無不斟酌詳細大約紀事期於詳而不訛紀人期於真
而不濫讀輿地可以知風土之剛柔美惡則移風易俗之政
具焉矣讀建置可以知制度之因革損益則興廢舉陞之政
具焉矣讀賦役可以輕徭薄斂讀職官可以式廉戒貪讀人
物可以旌淑別慝讀雜志可以博物洽聞上以此出治則上
有善政下以此相勸則下有善俗以此代故老之傳說則一
時典章之寄也以此備太史之採風則百年文獻之徵也後
有作者溯遺事覓遺文其不以曠職罪余則余幸矣若夫才
乏子長學遜孟堅質言有餘文采不足則余固以盡吏茲土
者之職而已史也野也所不計也

癸酉志序

國朝教諭

李日彰

從來不朽之業必待其人而後舉况事關文獻之大非傳人
庸有傳書哉靖安隸南昌之西創自南唐繇來舊矣其地高
其山峻水清而駛剛淑之氣代鍾偉人間稽府牒蔚然可觀
山無何嘉靖以後百餘年而邑乘缺然康熙十二年

上允閣臣請修直省通志矣二十二年復蒙

上諭纂修矣而靖安概莫之及豈奉行之不力歟抑有待其人也邑侯高公敬齋以剡溪名賢來宰茲邑百爲具舉前所未及無不及焉而每與余言尤切念文獻不足禮無可徵將崇先起後文教曷由興乎爰請于大中丞馬公慨然有纂修之舉大中丞方以禮義詩書磨礪我西江閱所請而大快焉侯乃延邑中縉紳文學餼諸館署詳稽往志博採遺言僞者正之缺者補之各抒所長彙卷有八甫月而全草告成彰得藉窺餘緒噫異矣誠待其人而舉矣草呈侯乃鑰署增刪式以紫陽潤以班馬于山川而點綴生色于建置而考核維詳賦役垂歷代之全書官師爲累朝之金鑑地方人才無有美而弗彰無有微而不闡累世幽芳婦女亦叨一字之榮草野普蒙拾遺之慶徽音賴以垂休奸頑咸知鑑戒是雖一邑乘哉千秋瑤函舉積此矣自非高侯之才之德與諸賢之洞達典故能如是乎後之採風者展卷若指掌牧靖者披籍如列眉邑之人士景芳型而仰高山頑廉懦立是卽文教之興觀感無艾也誠非其人莫舉也百餘年而有待也若夫誇鬪艷麗彝教罔裨則是享敝帚而寶康瓠豈徒非高侯之志抑亦諸賢之羞敢以是爲序

癸酉志序

舒其瑄

己巳之秋東浙高侯以名進士筮仕敝邑五載而政大成獨孜孜延訪者惟邑乘久缺是懼瑄每晉謁必相告語瑄愧疎淺無能贊成但思騏驥負鹽車而上太行力不克勝遇伯樂知之乃勉自負荷今以侯之才之德續吾靖百餘年殘缺之典稍有一得敢不拮助高深癸酉夏月侯開館授事瑄因與諸賢編輯閱月而草呈侯乃按草刪繁剔謬正其表章遠覽旁搜補其遺缺煌煌鉅帙一代之謨猷也山川之險易物產之豐約貢賦之多寡戶口之登耗人材之顯微風俗之美惡可以一覽而得之因是知志者史之遺書也古昔盛時職方掌天下之圖辨其土宇司民掌天下之版登其民物藏之天

府以施政焉審萬國之情察四方之隱疎逃不閉幽胥不遺不下堂階瞭然在目也迨其後王制息矣而郡有乘邑有志亦此物此志也吾靖雖屬豫章之西地處偏隅然揆之天文必有所分也按之地理必有所辨也考之制作必有所自也治理賴之官師表著藉乎人文民情有盛衰之殊時事有治亂之別雖曰一邑哉而皆爲王朝之版圖矣使欲觀天地之生成山川之莫麗詢之故老有遺詞焉欲觀創建之得失守令之是非詢之間里有遁情焉欲觀人物之變遷賢材之優異氣數之安危執之途人有異議焉人亦何自觀感乎故志皆誠鑒古而推之今考實而見之治者也侯本是意而成靖

志焉以司馬之才而行紫陽之筆文贍而義該類悉而法嚴
事無不備美無不彰一邑之土地人民政事舉盡於斯矣後
之官斯土者流連興起風化其自此遠乎是爲序

乾隆辛未志序

署知縣 朱 堂

歲己巳秋余奉

簡命試用江右借補豫章郡屬之西昌郡治省會邑爲附郭
其同屬郡處西北之偏者爲靖安距郡百餘里而近余頗聞
其風土人物之大概是年節制兩江黃大司馬檄下郡縣舉
修志乘新邑奉檄纂修余忝與其事徵文考獻購求之使四
出自西江通志外凡稗官野史家稿藏書殘篇斷簡採取大
備余得縱觀焉按通志靖分紀於章郡內者城池建置山川
水利人物古蹟歷歷具在然考証文集如靖之雙峯猥稿及
舒伯原摠閱錄則與通志不無異同脫畧之殊蓋通志一省
之書不及紀一郡一邑者之詳無惟其然也而郡志久缺未
修仍不免畧每思得靖新志而周覽之夏五蒙上憲委署靖
篆入境見山秀環屏水清縈帶田疇錯繡桑柘交陰昔賢所
謂清華間者履之益信既下車亟索觀邑乘以纂輯尚未脫
稿先取舊志閱之則爲康熙癸酉高公克藩所修余往復披
尋竊不能無微憾也夫通志畧邑志詳固已胡爲邑志亦畧
也且邑志間有不及通志之詳又何也姑舉人物如黃雲之

義勇據閩錄所推美者通志於靖未載邑志亦遺焉水利如
洋濠諸大堰其並遺未載者亦然又如元監縣潮海鄉進士
胡斗元等傳詳見通志邑志缺如唐宋元明以來藝文亦通
志詳而邑志不備嗟夫討求不廣聞見弗周註漏疎舛疑信
無憑甚矣志乘之宜修而載筆之未易也越數日邑紳士來
謁呈志稿就商未啟視先詢其搜羅者何若考據者何若自
康熙癸酉以前畧者誤者若何補正癸酉以後凡繼起之盛
應不勝紀其間沿革損益因時制宜所當增當省者又何若
也咸欣然應曰遺漏舛錯庶可免愆惟義有未當文不雅馴
特在裁酌而潤色之夫義非余所敢知文非余所能擅祇贊
襄盛事竭千慮一得冀隨諸君子後而立觀厥成焉可也於
是公餘展卷夜靜篝燈殫心讐校愈悉夫山川之奇秀風俗
之淳茂人物之瓌偉土產之殷饒猗歟休哉自非沐

聖朝休養生息涵濡漸摩葢爾偏隅安能如此其盛哉是役
也經始者爲前任映清馮公繼之者晴江孔公纂輯者爲前
南海令邑孝廉涂君基邑明經舒君亮友舒君照熊君鈺並
能矢公矢慎不負鉅典惜涂公中道棄捐馮公孔公復相繼
去職而余以代庖茲邑躬承大業邑紳士謬相引重間叅愚
臆輒見許可余雖五日京兆而幸獲成斯舉得廁名編末亦
與有榮焉且余反覆於是書而信其詳核可傳不致疑於與

率畧者同譏既與邑紳士信之更可與後人共信余懷尤於是
是大慰也爲序其顛末如此

辛未志序

舒亮友

古今遞殊者世疆隅分界者地將舉其地論其世以信今傳
後則志尚矣雖地有大小而志無岐視卽偏隅下邑並徵紀
載之文非兼長盡善難語不刊之典未是尋常著書立說逞
一人之聰明才智云爾也今靖志之成則一時際會又不期
而衆長畢備焉先是己巳歲奉兩江制府黃檄修縣乘時前
任馮宰召邑士議諮於衆曰重新纂輯乎抑取舊志而續補
之也僉曰續補之不若其重新之靖志宋元無考聞始於明

正統僅存者明中葉趙公一志猶權輿耳

國朝高侯纂修稍集其成距今將踰甲矣幸生

盛世休養生息久道化成遐陬僻壤漸摩涵濡五十餘年之
間風氣有轉移民物加豐阜政治所損益天時人事相嬗迭
新詎可任其散佚而無稽况憲諭諄詳尤當無負風厲之雅
意揚休載筆正此其會在邑士無能爲役恃擅制作之賢宰
足以創垂縱不踵事增華何爲因陋就簡其重修便馮侯頌
之遂聽邑士之所爲而責成焉爰退競謀集厥事同志者各
捐金爲倡以襄鉅典度資費擇公所羣議既協開局編摩猶
慙孤陋俛俛何之遂相率問業於二尹司徒博物洽聞而得

所取裁友乃與涂柏莊基熊治成鈺家鑑士照竊附纂輯之
末因論乎志之難也夫事欲其詳文欲其省則體要難嚴近
於刻寬虞其濫則取舍難見聞異辭是非淆雜則援據難志
果易言歟抑有其易焉者畧其不必詳而不文其不可文循
自然者易合善善雖長不流於濫惡惡則短何譏乎刻用情
平者易公從同考異從是辨非憑顯據者易核要而論之又
視乎敬慎之一心慎則難不爲眩易不至玩筆削有以折其
衷雖筆削之權非下士所敢贊一辭而敬慎之意固纂輯者
所當共盟也歟皆以爲然於是搜討簡篇網羅放失驗之傳
聞詢於故老有補舊之所遺正舊之訛者若山川若水利若
人物若古蹟之類是也有增舊之所無更舊之式者若學宮
若丁糧若列表若藝文之類是也或沿而襲或叅而訂凡所
採摭總期有裨於舊無誤於今屏私見戒鹵莽毋躁毋怠以
云慎也孜孜排纂自己巳仲冬迄庚午暮春蓋五閱月而稿
粗備呈之馮侯靜侯裁定逾時者再未聞命也則進以請馮
侯曰徐之簿書暇務細意校閱將欲信今而傳後可急遽以
迫期耶仍請以俟亡何在事之涂柏莊捐館舍越今年春馮
侯以調移倥偬稿仍發讐勘尋謝事乃呈稿是正於接任孔
侯裁定方慇復因公去任時事遷延成書有待欣逢朱侯以
同郡父母五月來視靖事甫下車亟將稿送閱侯訝數載書

未觀成何滯也爰告以故侯乃詳凡例按綱目事必核實紀
惟足據矜慎別裁稟經酌雅匝月稿悉釐定紀載周而地具
舉徵考信而世可論向恐散佚難稽者庶幾獲完書以昭示
來茲矣嗚呼靖雖蕞爾志之成也有馮侯經始而草創有司
徒二尹暨孔侯討論而修飾又得朱侯潤色以終事兼長盡
善洵足稱焉非文明之運下邑之休乎友不揣固陋謹拜手
附識於末簡

乾隆癸未續增志序

知縣 李 紀

靖安開國奉武分封星流斗北之輝地控場南之舊百餘年
綺分繡錯排粉堞於雲中廿八都屋比屋聯界花村於隴畔
山則三台九洞半緣靈鷲飛來水則七井雙溪盡是仙源
出過葛翁之里丹鼎烟濃訪謔母之廬藤牀月冷發鐘聲
上界未扣桐魚吹墨浪於寒潭欲穿石硯釣罷而一亭宛在
春深而千樹嫣然顧茲鍾靈毓秀之區難忘考獻徵文之意
迺者藜然祿閣劉校書與王孟齊名璜韞磻溪呂半刺共巢
由結隱次房抗疏已從黷貨之誅敦實知軍旋損折苗之值
舒平叔風雲腕底見重晦翁幸元龍冰雪胸中用旌武穆懷
工部於崇文門外起太守於閩閭城邊宗願則譽美題棕槐
堂則徽流秉鐸固事功之足錄實學術之可觀他若寒鐮行
藥哭逢蔡誕之芝冷釜遊魚肯貸監河之粟卽貞完白璧何

礎焚樓影化青燐尚憐墜井惟百世之清華不沒斯兩間之
正氣常存所當撫一卷而神留仰雙峯而色動者也今日者
擁銅章於赤縣不來傳舍之譏勞鉛槧於青編盡入稗官之
採炳炳者揚風屹雅璀璨猶新麟麟者酌古準今棗梨未斲
固已無疑夏五再訂妃稀者矣惟念宮牆萬仞僅存殿是靈
光石礎千盤幾歎道成蜀棧加以崩城之患重貽守土之憂
幸也士尚崇文民猶近古爰費金工石工之舉聿勤左校右
校之司再嗣神功既勸余以不逮永貽傑構自有善之必彰
矧志乘端重乎激揚而紀載寧遺夫建置西山課治貴有成
書相國入關先收舊籍當此蘭宮官寮懸鐘鼓而棟起玫瑰
月殿崔峩陳俎豆而筵開玳瑁霞飛鶴嶺皺成雙闕之紅液
灑桃源歎作三泉之碧宛轉則銅街五劇卽是天梯表延則
繡陌千條無非雲路壯門戶者百雉環烟火者萬家凡茲革
故而鼎新未敢因陋而就簡時則豐碑兀特愧無楊炯之文
石鼓摩挲絕少蔡邕之篆登之末簡寧致誚於韓非彙入全
編詎貽譏於屈子行見經文緯武各儲廊廟之材分道揚鑣
用備干城之選是所望於後之觀志而繼志庶不負乎今之
在靖而言靖矣

靖安縣志目錄

卷首

序

舊序

纂修姓氏

凡例

圖說

卷一

輿地志

星野

沿革

疆域

形勢

山川

都鄙

風俗 歲時氣
候附

卷二

建置志

城池 官廨 公所 兵防 舖遞 坊表

水利 津梁

卷三

食貨志

戶口 田賦 起運 經費 倉庫 賑卹

物產 公產

卷四

學校志

卷十 儒學 書籍樂器
學田附 書院 田產
附

卷五

典禮志

秩祀 公儀

卷六

職官志 上

縣職 學職 武職 附封爵

卷七

職官志 下

名宦傳

卷八

選舉志

上

薦辟 進士 鄉舉 武進士 武舉人 貢生

卷九

選舉志

下

援例 儒掾 行伍 封贈 鄉飲 前明恩職

卷十

雜科

人物志

上

名臣傳 儒林傳 仕蹟傳 文苑傳 武畧傳

忠義傳 孝友傳 義夫附 處士傳 善行傳

卷十一

人物志

下

列女傳 貞烈 節孝 賢淑

卷十二

藝文志

表牋 奏疏 書啟 序文 傳畧 銘碣

贊

卷十三

目錄

卷之目

目錄

三

藝文志 二

碑記 雜著 公牘

卷十四

藝文志 三

詩

卷十五

藝文志 四

賦

卷十六

雜志

祥異 武事 寓賢 仙釋 古蹟 邱墓
祠廟 寺觀 軼事 後序

靖安縣典

史董沂 順天大興籍
江蘇陽湖人

纂修

邑進士原任廣東新安縣知縣舒懋官

與修

舉人羅麟

恩貢生黃玉照

副貢生丁溪

歲貢生舒光璧

歲貢生漆占泰

歲貢生熊羽儀

附貢生舒象炎

廩生舒克德

生員涂人駁

總理

拔貢生分發四川試用知縣舒恭行

原發江蘇候補府經歷署江寧府經歷余昌泰

增生程衢

監生舒遇霖

經理

舉人熊燧

職

員劉成棟

附

貢

生劉振甲

廩

生漆基

增

生陳鹿章

生

員舒克憲

監

生舒懋鉉

監

生余烈

監

生閔中鴻

生

員舒炯文

監

生曾其溶

監刻

監

生舒克爲

耆

職舒奏信

耆

職王金榜

闔邑

采訪
勸捐姓氏

舉人劉先煥

涂翼燕

程廷拔

歲貢舒榮

趙錫球

鄧麟

增貢舒延翰

舒懋勳

周玉誥

例貢熊立勳

職員舒宗和

舒明志

舒星符

茅維玉

舒錦泰

舒觀光

舒象權

陳滙源

張立誠

舒懋吉

張鴻文

陳文九

鍾爲貴

廩生舒呈祥

涂斯安

程金銳

舒恭瑞

項守和

生員舒用梅

涂紹書

李施英

舒雲驤

涂砥平

舒鵬九	王槐	蕭漢雲	張立功	舒應元
胡楷	萬世清	趙熙和	王緒	甘和
漆蘭生	程嵩	舒孔懷	張秉鈞	陳心鏡
李瀚	陳暢新	羅守謙		
監生舒廷棟	涂逢炯	舒嘉猷	舒賓興	趙人偉
舒受南	陳謙吉	涂鳳鳴	舒承熙	劉迪亨
余啟泰	錢奎	胡輝祖	劉潤堅	舒寅賓
余廷椿	鍾朝選			

靖安縣志凡例

一縣志剏自前明正統凡經四修現惟康熙癸酉高志及乾隆辛未志尚存辛未志多沿本高志而增益之今凡襲用原文者概標以舊志惟字句間有刪節總期事增於前文省於舊

一修志先嚴體例掣綱分目以類相從舊分十一綱今省入山川於輿地易賦役爲食貨祀典爲典禮仍存十綱條目亦稍變通斟酌損益要在彙括得宜

一舊志建縣沿革及職官選舉皆列世表本史法也因從省局條例悉改用志事歸畫一亦省葛籛

一志以傳信務在覈實凡引據省府志皆從其最近者更復參稽史乘博攷羣書凡有疑義俱悉心按勘并附識其本事源流以便省覽祇恐搜攬未週難免貽譏註漏一總載之體尊貴皆名舊志於本省大厝皆稱憲稱公并或逾格擡寫有同吏牘茲悉更正

一輿地敘山水特詳蓋以山川定疆界而疆界益清亦本鄭漁仲遺說

一建置必原其始城垣廨舍自當斷自南唐第書缺有間不免多所闕如水利爲民命所關故特分鄉詳載餘者概從臚列

一食貨首重賦役均照全書四柱開列眉目爲之一清增賑卹以紀

國恩述土宜以昭地利蓋奉

上養民厥義惟均耳

一學校兩廡位次舊志時有錯誤統據會典釐正至所繪樂器各圖部頒自有定式可以從省惟陳設之規畧存其概

一儒學書院田租及生童卷價俱屬地方公產原應列入食貨門因取便檢閱卽各附於其後若育嬰堂產業與學校無涉故宜另編

一典禮莫大於秩祀其民間私建祠廟改歸雜誌至所載公儀節目詳畧互見少異鈔胥

一職官歷朝制度不同稱名各異俱當據實直書不容假借其列傳有宦蹟毫無實徵僅只一二贊詞者俱移於本人名下附注雖類課最考語聊以存參

一選舉皆依省頒格式爲序武甲科改列於諸貢之前貢亦分款敘列援例儒掾仍論時代不拘官階惟武功改爲行伍以著出身之實

一人物列傳舊以出仕者爲鄉獻後復分隱逸孝義諸門似未諦當今照省頒格式分類酌增武畧善行終以列

女共成十日其列女復小爲區別則又目中之目也

一人物旣分品類豈無兼備之才但從其最優者以歸之搜之載籍證以舊聞補闕拾遺頗多增益重在表章前人非宵意存軒輊

一藝文抉擇貴精必其有關於風土人情者方可登入舊志取備眾體所收從寬今新登者特加矜慎文章公物識者諒之

一藝文不登現存之人原以愛憎之公必俟之身後乃定惟記事之作不在此例

一雜誌舊以軼事居首此中攬摭稗野居多改附於後庶

繪圖總說


古者畫井分疆九州各有地圖掌於職方氏故蕭何入關先收圖籍晉裴秀有禹貢地域圖序唐李吉甫有元和郡縣圖志志之與圖相爲維繫久矣高志圖凡五辛未志改而爲四俱擗舉大概猶是嘉陵粉本耳今并縣境全圖於首以朱思本畫方之法界之使道里遠近不得以相淆次附郭山川則知谷抱溪環縣治之所由建也又次城垣尊守衛也衙署政令所出也學宮書院教化所自始也附及晉省水陸程途明統屬所繫示以遵循之準也殿之以石門山非侈禪林志名勝焉而已合之得八圖各綴其說於左

縣境全圖

北至建昌縣界五十五里

東北至安義縣珠琅山界三十五里

每方十里



東稍北至安義縣界雲山界三十五里

東至奉新縣洪山界十里

東南至奉新縣分水均界十五里

南至奉新縣界二十里

西北至爛草湖武寧縣界九十里



西稍北至奉新縣界一百十里


西至龍頭均奉新縣界九十里

西至... 十五里



縣境西北崇巒複嶺綿亘百有餘里東南稍復平衍城
偏處其隅所屆不及一舍舊分五鄉二十八都所謂都
者比于他邑之鄙耳附城曰坊都城右曰廂都自南迤
東曰長安鄉東江都夏陂一二都隸焉自東迤北曰羨
門鄉下安福象湖大梓熊仙一二三都追里一二三都
隸焉自北迤西曰靖安鄉上安福石馬盆田一二都隸
焉又西曰南義鄉新興富仁一二都棠隸一二都隸焉
又西迤北跨兩河之源曰招賢鄉礪坑忠夏一二都南
源一二都隸焉顧村落錯處居民或有遷徙鄉都常沿
稱祖居猶流寓之不忘本貫也水分兩河山分三界廣
袤所及其亦瞭如指掌粲若列眉矣

一都折爲二三
者圖內不分注

附郭山川圖





環城皆山南河一溪自西來繞出其東白雲繡谷高峻
北障吳憇之西有僻徑以達於後洪山樵山兩坳筦東
北之鎖鑰術家謂樵坳中窠稍洩縣氣其或然歟曹仙
仁慈高低相亞西據上游登高金城庠墮連綿東扼水
陸之衝狐尾聳於西南尖山獨當一面皆地脈之隆起
者也珠山坏塿立河中如砥柱然河流清淺一葦僅杭
今漸失故道南岸日形逼削築隄捍衛爲未雨綢繆之
計烏可置爲緩圖哉



縣城周五百丈高不逾二丈分四門入南門曰中街過
務前角直行出洪家巷口爲北門由角迤西爲百家鎮
過此卽達西門務前角者明稅務局之前也自南內迤
東爲縣署又東爲丞署又東爲學宮學宮門左卽東門
矣東北隅爲城隍廟廟東節孝祠西營署由營署並城
而北爲天澤池雙溪書院在焉關廟暨

上諭亭又在其北隅本舊布政分司行署遺址今其地猶
稱司前也城東外爲晉省通衢田園廬舍轉有邨落風
西南北三面闌闔閭鱗次櫛比城雖斗大固太平景
象哉

衙署圖



卷之六

衙署圖



六

八


縣治面舊南門前臨橫街大門內左有土地祠入儀門
正中爲水木清華亭吏舍分翼兩廊東而北卻典史署
西而南卻則獄也堂東西各爲庫東庫之東常平倉西
庫之西儲備倉內堂西爲棠蔭軒卽客廳也廳西爲書
室幕舍廳後爲內宅宅後有百花亭亭東舊建關廟廟
東接常平倉倉東鄰丞尉後廨丞署別爲頭門其廳事
左右皆漕倉也令丞尉日坐堂皇而聽治毋視爲傳舍
焉則民躋堂祝之矣

學宮圖

節孝祠
城隍廟




學宮左倚東門霽峯塔在其巽方得文明之象焉門額曰類宮外繚以紅垣中發壁沼架石梁爲泮池池有源源泉東西爲闕門所謂道德門也其戟門大成門兩廡丹墀露臺禮殿以次遞入俱如制名宦鄉賢兩祠在大成門左右殿後爲明倫堂堂後爲尊經閣堂西崇聖祠堂東土地祠又東忠義孝弟祠祠外南出便門左轉爲教諭署署前翼然屏蔽者爲奎閣閣前卽類宮門也訓導署在宮牆之西節孝祠又在宮牆外之東北隅宮牆周廣計十餘畝高約丈餘美輪美奐蓋道德之富矣




書院背倚法藥寺門三楹西嚮臨天澤池門內中建文昌宮左右各甃石爲門由北而入爲奎閣閣後爲文昌先代殿由南而入爲講堂前五楹後七楹中翼兩廂後堂額曰麗澤房舍十數間高明爽塏庖湍畢具隙地遍植花圃巒翠瞰牕池光拂戶結廬人境如在山林諸生以時旅進其間其有心遠地偏之樂乎

邑號雙溪南北兩河之源委山水志詳之矣桐城合流而後五里過安義縣又二十里萬家埠與馮水會又六里涂家埠與修水會又六十里至吳城鎮出鹿頸卽長江北下彭蠡南泝流而上百八十里抵省春水漲時由建昌山下渡汶出老鶴嘴直達樵舍少近數十里陸路鋪遞由奉新縣其捷徑一由宋家埠趨小路口一由牛路嶺達青山捷者阻坦者迂水程則更迂矣澗溪行濼不足以載巨舸也高陂急溜帆楫虞焉山徑田塍不足以容方軌也石磴崎嶇屨罷焉詳其程途輪輓之艱倍堪厪念云

寶峯圖



寶珠峯脈類



江右名山佳廬而外厭原麻姑金精玉笥爲最著百丈石門其次焉石門山者馬祖藏塔之所也在縣治北四十里兩崖對峙東澗自大橫溪來西澗合北河自泐潭來皆滙於其下曰藕潭循崖北入地忽開曠曰寶蓮墩行五里有小山蜿蜒內拱曰龍頸山又里許連峯排簇曰旌幢山下有石棧東通曰宴坐巖東過野鴨橋則山門屹然南嚮北望寶珠峯秀出羣山之上其麓卽爲塔院古稱寶峯寺以此今門勝曰法林考之山志莫詳所自寺內殿堂方丈經閣僧寮屋凡百十楹寺東別爲一院覽其山川迴合形勢靈奇畧與生米鐵柱觀相似一仙一佛托跡良非偶然他日有能補志茲山者當有會於斯圖也

靖安縣志卷之一

輿地志

周禮職方氏掌九州之國使同貫利凡山川民物靡不具詳其後劉向畧言地域朱顛條記風俗班固因之以作地理志所謂不出戶庭周知天下之故大政遠猷皆從此出矣靖邑僻在豫章西鄙彈丸蕞爾原非赤望之區然善治者不以地之小而或有異施且雷封百里亦儼然與古侯服等爲之正疆界以謹其封守審風尚以善其整齊則是編之作其亦守土之要防而臨民之首務與

星野

冠星野於疆域之首所以尊天文也顧桐城劉氏大櫛有言茫茫天宇附會維難言襲公家大而無當舊志引據晉書以一度二百五十里準之自與會垣同度然一統志又有南昌入斗八度之說則推步洵難言哉

星野之說載在周官而散見於左氏史遷著天官書占驗尤為不爽漢志以吳地為斗分野晉志以揚州豫章入斗十度魏太史令陳卓蓋亦云然宋黃庭堅云勾吳之區維斗所直豫章屬吳於辰為丑於次為星紀與越地同而其入宿則越牛而吳斗斗十度為豫章之分星靖去郡甚邇其為斗十度無疑矣

舊志

沿革

舊用表今改以志蓋志一邑之沿革即以一邑為斷其累朝統轄之不同有府志在可從畧焉

靖安南唐舊縣也在禹貢為揚州之域商周並同春秋時屬吳越滅吳屬越楚并越屬楚秦屬九江郡漢為豫章郡地景帝三年豫章郡領縣十有八第十四曰海昏靖安在其境內新莽改豫章曰九江改海昏縣曰宜生東漢仍復舊置永元十六年分海昏立建昌縣其地歸建昌六朝遞屬建昌俱隸豫章郡陳永定初年析建昌等五縣置豫寧郡隋開皇元年廢郡置洪州總管府大業二年廢州復為豫章郡唐武德五年仍為洪州天寶元年復改豫章郡乾元

元年又改洪州而建昌總為屬縣廣明之後草寇侵掠本州以建昌縣之靖安孝悌兩鄉去州稍遠乃置為靖安鎮楊吳乾貞二年升為場南唐昇元中始立為縣析建昌奉新武寧三縣之地以益之仍隸洪州顯德六年升洪州為南都南昌府縣隸如故宋開寶八年改府復為洪州隆興元年又尊為隆興府縣仍隸焉元初亦隸隆興府至元十四年改府為路二十一年改隆為龍靖安名仍其舊至正十八年偽漢陳友諒據龍興明太祖壬寅取龍興路尋改南昌府洪武九年罷行省置江西布政司以南昌為首府領縣八靖安為第六縣

國朝因之爰定為簡缺云

案郡縣釋名云靖安因里名鄉因鄉名鎮因鎮名場因場名縣則靖安在唐以前本里名也

疆域

縣治偏處一隅東南隘而西北長辨方正位應以縣治為準舊志不無小誤特細為訂正其詳具著於圖

縣治在府西一百六十里東西廣一百四十五里舊志一百二十五里

省志一百二十里南北袤七十五里舊志九十五里蓋以縣境中央定位合西

府志一百五十里東至南康府安義縣齊頭山界三十五里

言府志一百里西至茅竹山義寧州界一百

舊志三十里至安義桐城界南至奉新縣烏嵐鋪界二十里北至南

康府建昌縣壽安山界五十五里舊志八十里至武寧朱家山界案朱家山近爛

草湖在縣治西東南至奉新縣分水均界十五里府志十里至奉

地非正址也新洪山界東址至安義縣珠塔山界三十五里府志三十里至

明何西南至奉新縣土塘界十五里府志十里至西址至

爛草湖武寧縣界九十里府志一百里至陸大趾至省由

奉新縣一百六十里徑路由奉新宋家埠一百四十里由

新建牛路嶺一百二十里水路至省由吳城鎮三百六十

里由老鸛嘴約三百里驛路由奉新至江南總督治一千

四百七十里舊志一千七百里茲至

京師三千一百九十九里舊志三千

案邑四至之內舊不通驛東南阡陌狹削西址嶺路崎

嶇乾隆十四年典史崔宏道督工修治行旅便之舊志

形勢

舊分形勝關隘為兩門其實形勝之險要視乎關隘

之阨塞非徒以山水清美侈遊觀也茲就疆域所暨

為表其險夷之象境內情形瞭然在目矣

邑處萬山中羣峯聳翠雙水夾流文筆卓峙於前繡谷屏障

於後萬家烟火正在清華間矣東南與奉新安義犬牙交

錯周道如砥擊柝相聞西則茅竹山毘連義寧龍頭均又

與奉新九仙湯接壤址則朱家山為通武寧要路其間道

別出雙坑洞徑仄侵雲盤迴紆阻况復白崖洪屏諸山連

與地

巨壁立尤爲人跡罕到之區至瑪瑙崖風稱險奧又其近在肘腋間者耳

山川

舊志分列平序門類雖別而脈絡或淆茲敘山則分爲三幹敘水則區以二流原委井然按圖可索

南幹之山曰龍頭坳從茅竹山來曰白沙坪 曰華家山在南

源勝子上高士 曰大湖塘 南出口白雲峯高五百丈下有尋仙庵

迤東曰雲陽山下有黃佛寺寺旁石壁有摩崖書曰荆山

縣西八 曰當歸湖連接十三峯頂有池寬數百畝不溢不涸下有香象庵 曰委源洞

一名呂陽洞洞深三十里南通奉新洞口峭石嶙峋非攀蘿附葛不能入昔邑人舒叔厚避兵於此徐世溥有記

曰發風嶺 曰鷹嘴崖 曰夾嶺嶺南水出曰坵坑

曰積仙洞松篁夾道徑甚幽曲 曰璞峯嶺高數十仞形家

治龍脈 當歸湖支出者曰南嶺山勢雄壯綿 迤東曰葛坪

嶺 曰龍岡洞角水出焉萬坊保里人新建石 又自牛塘

口廿折而起者曰仰天湖山分東西行東至互田 夾嶺之

上支出者曰雙尖峯縣西四十里舊名雙峯今加一字與

有瑤壇石壚遺蹟 曰羅漢崙 曰藤峯 曰文仙山迴溪

歲旱禱雨輒應 曰葛仙山即瑪瑙崖縣西二十里漢葛洪居此山頂平

焉 曰葛仙山曠有鍊丹壇飲馬池遺址壇左有葛仙庵後

爲華藏院久廢明正德間草 璞峯嶺之東坵出者曰橫嶺

寇胡雪二據此後討平之 曰將軍腦 曰土地腦 曰狐尾嶺縣

形如展軸術家指 曰狐尾嶺南出旋轉而特峙者曰文筆峯

爲縣城龍脈所起 曰狐尾嶺南出旋轉而特峙者曰文筆峯

里許岡阜重疊勢 曰狐尾嶺南出旋轉而特峙者曰文筆峯

趨縣治上有神壇 曰狐尾嶺南出旋轉而特峙者曰文筆峯

又名尖山 又橫陳如玉几者曰登高山 上建文峯塔茲於

縣治向之 道光四年重修顏

曰霽塔曰三台山 縣東三里馬草湖上南河繞縣北 曰金城

山 縣東五里馬草湖繞其麓 文筆峯南岐出者曰神馬岡

曰靑山 璞峯嶺之東出者曰鄒家坳 石馬水出焉 曰破岡

曰社岡 曰分水坳 曰顧山

中幹之山曰大坳崙 縣西百里從大湖塘來 曰管家坳 曰

雞籠尖 高三百丈下有金華寺 坳出曰黃茅嶺 縣西北六十里峯迴

苦之康熙二十六年建茶亭於山坳三十一年建庵亭側

有僧住持四十八年置田地以贍施茶之費嶺側曰大洞

嶺北有七里 折而東曰八字嶺 曰九洞山 縣西北四十

長坑入礫都 曰青溪山 即劉春虛詩

石磴盤紆環峯疊嶂有龍鬚藥曰 車箱等洞竹葦蒙茸水石奇異

溪長 曰拖版崙 氣象雄峻常有雲封芳草菁蔥禱雨輒應

者也 曰桃源山 縣西廿三十五里在棠棣都峯迴谷合屹然高

有雲山西北有仙姑壇東北有桃源庵又名資福院唐校

書郎劉春虛居此即刺史吳競所表為孝悌鄉者也宋處

士劉子虛亦隱此釋異中遺詩有放懷桃花源寄 曰名山

傲雲臆春之句 案省志桃源九洞誤併為一 曰華山 華源北下

院記云右鶴嶺而左名山長溪出焉 曰華山 有華坊村

曰葛陽山 桃源東南上有 曰曹仙洞 縣西廿七里許瑤曰

曬袍山 縣西五里形如堆袍 曰雙峯 一名白雲峯在縣北吳憩曰

吳憩山 縣北五里在白雲繡谷之間 曰繡谷峯 一名幽谷

常登吟眺明邑人舒春陽構姿天閣於此今廢 曰旂杆

尖 如旗旂 曰火焰山 循河至湖西墩入奉新境 曰洪

為縣治後屏山半飛泉如練上有坦處宋僧異中

吳憩山 世傳真人吳猛逐蛟憩此 曰繡谷峯 一名幽谷

曰葛陽山 桃源東南上有 曰曹仙洞 縣西廿七里許瑤曰

曬袍山 縣西五里形如堆袍 曰雙峯 一名白雲峯在縣北吳憩曰

吳憩山 縣北五里在白雲繡谷之間 曰繡谷峯 一名幽谷

常登吟眺明邑人舒春陽構姿天閣於此今廢 曰旂杆

尖 如旗旂 曰火焰山 循河至湖西墩入奉新境 曰洪

為縣治後屏山半飛泉如練上有坦處宋僧異中

吳憩山 世傳真人吳猛逐蛟憩此 曰繡谷峯 一名幽谷

曰葛陽山 桃源東南上有 曰曹仙洞 縣西廿七里許瑤曰

曬袍山 縣西五里形如堆袍 曰雙峯 一名白雲峯在縣北吳憩曰

吳憩山 縣北五里在白雲繡谷之間 曰繡谷峯 一名幽谷

常登吟眺明邑人舒春陽構姿天閣於此今廢 曰旂杆

尖 如旗旂 曰火焰山 循河至湖西墩入奉新境 曰洪

為縣治後屏山半飛泉如練上有坦處宋僧異中

吳憩山 世傳真人吳猛逐蛟憩此 曰繡谷峯 一名幽谷

曰葛陽山 桃源東南上有 曰曹仙洞 縣西廿七里許瑤曰

曬袍山 縣西五里形如堆袍 曰雙峯 一名白雲峯在縣北吳憩曰

山奉邑交錯與繡谷之北曰塔里山水出霞曰天香崖下為揚鶴

坪有來鶴觀萬峯羅拜頗饒曰押灘嶺下瞰曰諶母峯在勝樂道士鶴野尸解於此

安福都世傳諶母飛昇處許旌陽劉懿貞拜謁於此桃花夾徑上有石壇爐竈石上硃印宛然迤東曰九

里岡

北幹之山曰朱家山在忠夏都從大均崙北分來曰雙坑洞兩山對峙一徑微通居人

結屋於山非午不見曰爛草湖朱家山西接壤武寧曰峽洞雙坑曰

日色比之一線天曰龍門山南曰白崖山峭前

峭前山雙坑洞口設有塘曰龍門山峭前曰白崖山峭前

礫坑都縣西北十里峭壁入雲排峯如鋸無徑路可登

禽獸異狀時現怪物歲發狂風每傷秋稼此都田畝因之

減曰洪屏山恒為通藪雍正六年異地民欲私墾里民涂

方漢等呈縣詳曰牽牛嶺曰寶珠峯在大梓都石門山

憲勒碑永禁

釋馬祖葬處也宋紹聖初真淨禪師亦葬此曰宴坐巖寶

其峯尖圓四面青草中圈獨黃望如佛頂珠

側旌幢山下曰寶蓮山寶蓮誤合為一省志沿之然實二

宋袁陟有詩

也曰石門山寶峯南兩峯對峙河中下匯深曰大梓山內

青猿曰遼源山曰城崖山石崖壁立如曰齊雲山俗呼

洞山在台曰台山本名抬頭山上有寺相傳朱文

山在公會登此望靖安東即安義境

南河之水源出茅竹山之白沙坪龍頭均之水自東南流至

東源東過小塘南下向霧繞苦竹口茶坪龍印諸水由東

出龍洞北至大礫以上僅容竹木筏龍洞最險稍失分東

至西頭始通由下園委源洞諸水崖口牛塘口水西北折

乾灘出山口黃茅八疊諸小復東經下觀九洞諸水自亘

田 淮潭於青 高湖 洞角水自南來山韶 南過中港東逕土

門 白水洞石掌灘合桃 過哲里復南繞沙港 積仙洞藤峯

溪 盆田自東 達灌洲 湫源水自北抱仁慈山 上林水自

南抵石磯頭又東繞縣治北 石磯頭下分出支流通青湖

與正流合故縣別號雙溪不僅以南北兩河也 東下香田

南港 毀北關錦橋諸水皆會後港入馬草湖 東下香田

三 樾水自至吉羅 灌橋水自西 南趨鴨婆潭 石馬源諸水

北來入焉 自南來分水均諸水由東出奉新乾洲北過鄭洲 塔里之

石 灰塘自東來合入焉 霞大畔團岡東過顧埠 西莊繆溪水自

自西來入焉 河會出吳城鎮後河歸大江 至安義桐城與北

北河之水源出雙坑洞東流歷哨前東抱樓前南出塘埠 源一

出於管家均 歷蘆田至南村與峽 北循柏葉湖東北過

坑 下洞諸水自西來長坑諸水自南 出港口 茗岡諸水自

東至港居坪 始通 環峇崖繞毘盧南下泐潭 寶峯西澗水

焉 歧於湖田鋪合出石門藕潭 東澗大橫溪水自寶峯東

水亦自東 南溢於華坊 梓源水自東至宋坊 焦坑水自西

來皆入焉 繞押灘嶺 大梓水自北來周郎 南過項坊東至詹坊 幕源

南來 入焉 南經象湖東趨棠港 有潭極深秋時澄清見 南至仁

首 老屋雲嶺諸水 東過港頭 仁首下河水歧流中 又南逕

姚家埠 遶源 樞溪諸水自西北來 至桐城與南河會

都鄙

志焉以司馬之才而行紫陽之筆文膽而義該類悉而法嚴
事無不備美無不彰一邑之土地人民政事舉盡於斯矣後
之官斯土者流連興起風化其自此遠乎是爲序

乾隆辛未志序

署知縣 朱 堂

歲己巳秋余奉

簡命試用江右借補豫章郡屬之西昌郡治省會邑爲附郭
其同屬郡處西北之偏者爲靖安距郡百餘里而近余頗聞
其風土人物之大概是年節制兩江黃大司馬檄下郡縣舉
修志乘新邑奉檄纂修余忝與其事徵文考獻購求之使四
出自西江通志外凡稗官野史家稿藏書殘篇斷簡採取大

備余得縱觀焉按通志靖分紀於章郡內者城池建置山川
水利人物古蹟歷歷具在然考証文集如靖之雙峯猥稿及
舒伯原摭閩錄則與通志不無異同脫畧之殊蓋通志一省
之書不及紀一郡一邑者之詳無惟其然也而郡志久缺未
修仍不免畧每思得靖新志而周覽之夏五蒙上憲委署靖
篆入境見山秀環屏水清縈帶田疇錯繡桑柘交陰昔賢所
謂清華間者履之益信旣下車亟索觀邑乘以纂輯尚未脫
稿先取舊志閱之則爲康熙癸酉高公克藩所修余往復披
尋竊不能無微憾也夫通志畧邑志詳固已胡爲邑志亦畧
也且邑志間有不及通志之詳又何也姑舉人物如黃雲之

義勇摠閱錄所推美者通志於靖未載邑志亦遺焉水利如
洋濠諸大堰其並遺未載者亦然又如元監縣潮海鄉進士
胡斗元等傳詳見通志邑志缺如唐宋元明以來藝文亦通
志詳而邑志不備嗟夫討求不廣聞見弗周詿漏疎舛疑信
無憑甚矣志乘之宜修而載筆之未易也越數日邑紳士來
謁呈志稿就商未啟視先詢其搜羅者何若考據者何若自
康熙癸酉以前畧者誤者若何補正癸酉以後凡繼起之盛
應不勝紀其間沿革損益因時制宜所當增當省者又何若
也咸欣然應曰遺漏舛錯庶可免愆惟義有未當文不雅馴
特在裁酌而潤色之夫義非余所敢知文非余所能擅祇贊

襄盛事竭千慮一得冀隨諸君子後而立觀厥成焉可也於
是公餘展卷夜靜篝燈殫心讐校愈悉夫山川之奇秀風俗
之淳茂人物之瓌偉土產之殷饒猗歟休哉自非沐

聖朝休養生息涵濡漸摩叢爾徧隅安能如此其盛哉是役
也經始者爲前任映清馮公繼之者晴江孔公纂輯者爲前
南海令邑孝廉涂君基邑明經舒君亮友舒君照熊君鉅並
能矢公矢慎不負鉅典惜涂公中道棄捐馮公孔公復相繼
去職而余以代庖茲邑躬承大業邑紳士謬相引重問叅愚
臆輒見許可余雖五日京兆而幸獲成斯舉得廁名編末亦
與有榮焉且余反覆於是書而信其詳核可傳不致疑於與

率畧者同譏既與邑紳士信之更可與後人共信余懷尤於是
是大慰也爲序其顛末如此

辛未志序

舒亮友

古今遞殊者世疆隅分界者地將舉其地論其世以信今傳
後則志尚矣雖地有大小而志無岐視卽偏隅下邑並徵紀
載之文非兼長盡善難語不刊之典未是尋常著書立說逞
一人之聰明才智云爾也今靖志之成則一時際會又不期
而歟長畢備焉先是己巳歲奉兩江制府黃檄修縣乘時前
任馮宰召邑士議諮於衆曰重新纂輯乎抑取舊志而續補
之也僉曰續補之不若其重新之靖志宋元無考開始於明

正統僅存者明中葉趙公一志猶權輿耳

國朝高侯纂修稍集其成距今將踰甲矣幸生

盛世休養生息久道化成遐陬僻壤漸摩涵濡五十餘年之
間風氣有轉移民物加豐阜政治所損益天時人事相嬗迭
新詎可任其散佚而無稽况憲諭諄詳尤當無負風厲之雅
意揚休載筆正此其會在邑士無能爲役恃擅制作之賢宰
足以剗垂縱不踵事增華何爲因陋就簡其重修便馮侯頷
之遂聽邑士之所爲而責成焉歟退競謀集厥事同志者各
捐金爲倡以襄鉅典度資費擇公所羣議既協開局編摩猶
慙孤陋俛俛何之遂相率問業於二尹司徒博物洽聞而得

月不夜

其一

執盾揚戈十家九儼婦孺向向戶祝孔多

其二杜

鵲躑躅墓門跼伏躑躅杜鵑墀間紙錢

其三

天中午擊河鼓

有美中流鬪艾虎

其四

大暑穀流水禿中元春薦新熟市米

粉成風俗

其五

長至會族肅雍親睦

其六

爆竹轟轟鑼鼓闐闐

愷樂飲酒小年大年

其七

皆紀實也

氣候春陰多雨四月梅雨潤礎蒸溼之氣為多六月恒易亢

旱或至交秋不雨間發狂風早稻未穫有因而隕落者冬

寒較會垣畧早山中十月即雨霰寒極雪深逾尺積數十

日不消夏夜可御薄綿蠶幃多為虛設用以障風而已其

餘大畧與省會同

靖安縣志卷之二

建置志

觀流泉而卜宅揆日景以作宮建置之事重矣哉靖自

南唐建縣聞之故老有言其城在今安福都之長坪者

然紀載無徵遺蹤莫考是否姑弗深辨第就宋以來城

垣廡舍下逮郵傳溝洫之屬固已規畫周詳粲然具備

矣追維前哲創造之艱難一木一石莫非閭閻財力之

所存後之人幸其愛護維殷乘農隙以時為補葺庶可

有基弗壞不至重勞吾民也

城池

邑治背山帶水自南唐創縣以後有城周二里莫詳所自歲久圯廢明正德六年華林寇警立寨瑪瑙崖據險劫掠縣無所禦副使吳一貫太守李承勛知縣萬士賢始命民築土城內外有池四隅有門門上有樓賴以固守董諒有記嘉靖四十一年知縣趙公輔更築磚城甃之以石徙南門於縣治前遷東門於卯方址接河流西達清湖石甕層樓險固足恃高一丈七尺廣八尺周城五百丈有奇自甲子秋至乙丑冬功成吳鎰有記督工董事工吏王應期黨正副宋文五三舒相十一宋忠十二舒茂十八舒羅萬曆五年知縣鄭煦松五七舒相二四葉懷三十舒華一

改南門於西南隅改東門於東南隅

國朝康熙七年知縣任嘉瑞復遷南門如舊址遷東門於城

隍廟側康熙二十八年城甃殘缺將傾知縣高克藩重修

明年春霖雨灌注址門圯復修之督工典史沈誌董事者

民徐其二吳家四舒篆五王思一何寬二雷稷十應尊七舒學十雍正元年知縣黃天球

復改南門於西南隅改東門於東南隅爲今址東門係下八都士民

捐修以乾隆二十七年知縣李紀捐廉重修顏其東門

上舊志有記嘉慶三

日紫陽西門曰德勝南門曰文明址門曰挹秀

年寧州土匪滋事邑中戒嚴知縣陳同文督同紳士修葺六年知縣汪鍾復行修補

城濠西南北三面環繞自南迤東卽以後港爲池

城路舊只沙泥乾隆十二年縣丞司徒宜倡修東門外沿城

道路皆甃以石

有記

乾隆二十六年知縣李紀倡修四門內

外石路

有記

嘉慶十年捐職州同邑人舒丙杜捐修城外週

圍石路

邑人舒夢蘭有記

官廨

縣署在今南門內迤東建於南唐宋紹興間縣令黃宗諤於廳事後剏製錦堂及幽谷百花二亭後令楊億治尉圍得會南豐幽谷詩碑用其語構水木清華亭明洪武二年知縣衡守敬因舊制剏公堂幕舍譙樓戒石亭及左右吏舍十三年知縣朱宗晦作尊美堂於後廳之左

有記

正統八年

知縣金文英重建公堂幕舍成化十六年知縣劉芳增建正廳五間川堂三間後堂三間後堂顏曰復思宏治十六年知縣張伯祥建儀門門左立土地堂正德初知縣蕭瑞建後堂五間并砌石庫六年公堂燬於寇七年知縣萬士賢復建嘉靖元年知縣葉金撤而新之正中爲牧愛堂後爲居仁由義堂三十四年知縣周麟重建後堂三間曰思審堂三十九年主簿黃應徵重修大堂顏曰公正廉明易戒石亭以石四十一年知縣趙公輔增置吏舍十間廳事後建慎思堂

有記

崇禎五年知縣章鳴謙顏大堂曰君子堂

國朝康熙七年知縣任嘉瑞增修後樓三間十三年知縣陳

舜印更戒石亭為木坊二十五年知縣鍾芝豫易君子堂額於後堂顏大堂曰端本二十七年君子堂圯知縣高克藩重修并建後樂亭有記改建土地祠於賓館之右置羈候所於儀門之西五十三年知縣李作仁重修後堂顏曰忠恕易後樂亭為望雲亭乾隆十四年知縣馮渠重修大堂增建書廳三間曰棠蔭軒改建望雲亭為枕繡亭十七年署縣朱堂修葺縣治內外添設木柵於頭門之外有記二十八年知縣李紀倡捐重修有記三十九年知縣鄒朝陽借項修理嘉慶十六年知縣馬廷燮攤廉重修

儒學署詳學校

縣丞署在縣署之左舊置無考康熙七年因按察分司行署遺址翔建廳堂內宅各一重堂外左右建漕米倉二十廩乾隆四十六年縣丞陳樹華借項修理嘉慶八年縣丞修廣仁捐俸重修

典史署在縣堂之左建置年月無考乾隆四十四年典史曹廷棟借項修理

武營詳兵防

陰陽學二所久圯

一在縣左南向屋三間

東至學署西至余相十地南至街北至學署地前橫壹丈玖尺後橫

壹丈捌尺直貳丈陸尺

舊志

建置

四

一在縣右北向屋壹間

東至舒姓地西至錢姓地北至舒姓地橫柒尺直壹丈捌尺

舊志

醫學在縣西一百步本明惠民藥局所改前屋三間後屋二

間久圯

東至龔姓地南至舒姓地西至錢姓地北至街

舊志

僧會司舊無公所

道會司舊無公所

旌善申明二亭舊在縣屏牆前康熙四十八年署任通判薛

袞重建乾隆二年知縣孫濂重修十七年署縣朱堂遷屏

牆於亭前

公所

上諭亭在縣北門內本明布政分司行署正統八年縣丞王

榮翔建成化二十二年知縣劉芳宏治十八年知縣張伯

祥嘉靖年間知縣方均主簿徐漢先後修葺後廢

國朝康熙三十二年知縣高克藩以其地建義學名有造堂

乾隆十四年知縣馮渠改爲雙溪書院嘉慶七年知縣汪

鍾遷書院於法藥寺之右道光元年知縣張國鈞卽其地

倡捐建此爲各官朝賀之所

有記

按察分司行署本元尉司故址在縣治東明洪武二年知縣

衡守敬翔建成化二十年知縣劉芳宏治間知縣張伯祥

正德時知縣蕭瑞嘉靖二十八年主簿黃應徵四十一年

知縣趙公輔相繼修葺後廢

國朝康熙七年卽其地改爲丞署有餘地一間明季給余堂
佃居供辦儒學諸生歲科試卷

舊志

府館距縣一百步計地九分五釐遺基存

東至徐姓屋基西至陰陽學地北至

陳姓地南至大街

舊志

招賢公館在南源都朱坊廢基改爲田直五丈八尺橫柒丈

柒尺成熟田柒分肆釐肆毫

東至王文貴田西至王文煥田南至涂姓田北至朱坊茅

山

舊志

長亨公館在縣西五十里礪坑都爲武寧驛道廢基計地若

干

舊志

主簿舊署在縣廡之左久廢

訓導舊署在縣丞署左本范馬兩公講堂康熙四十六年訓
導柳章燧改建爲署額曰范馬流芳乾隆年間移署於學
宮之右門額屋址俱存

案舊志范馬兩公未載其名考職官志前明訓導有馬
晉馬化時范思聰想其講學處也

稅課局在縣址廣惠坊側前廳後庫各三間明洪武二年知
縣衡守敬復創八廨於四聖廟側正統間因課額短少裁

革久圯

舊志

接官亭在縣東先農壇前廢基改爲田先農壇庵管業

舊志

附卹所

養濟院卽明接流所在縣北錦橋之側正統七年知縣金文
英荆建景泰四年縣丞盛禧增建外門周圍繞以垣成化
宏治間知縣劉芳張伯祥陸續增修嗣後修葺無攷今仍
舊

育嬰堂在北門內 上諭亭側原屋三間並無資產乾隆十
四年典史崔宏道倡同邑人荆建藍田會置田肆拾餘畝
建倉一所在土地祠社倉之左有記後陸續增至陸拾柒畝
壹分陸釐又地叁畝伍分貳釐共額收鄉桶租穀壹百叁
拾壹石玖斗貳升伍合每名給穀壹石嘉慶九年邑人以
溺女風息育嬰稀少呈請知縣馬廷燮詳準將藍田會田

租酌量撥歸雙溪書院仍存肆拾壹石玖斗貳升伍合留
爲育嬰之費田畝租數詳食貨志堂久傾圮遺址存

漏澤園在南門外明洪武時知縣朱宗晦置又有義塚二所
一在石馬都鐵岡均一在縣前立筆峯康熙三十年知縣
高克藩增置三所一在登高山一在兔子壠一在洪陂堰
邊嘉慶十三年捐職州同邑人舒藹春捐置一所在南墩
小惠壠二十一年奉新縣職員岳廷暨捐置一所在曾坊
山名象形直叁拾柒弓橫壹百貳拾捌弓東至騎
崙分水爲界南至路窖石爲界西至田北至山窩

兵防

駐防把總廳康熙二十年知縣鍾芝豫於城隍廟右廢倉舊

址初建前後兩重屋九間

協防外委廳舊無署借寓公所

龍頭坳塘汎在茅竹山下距縣一百一十里共屋七間瞭樓

烟墩牌坊各一座

雙坑哨場在忠夏都距縣八十里舊設哨長堡兵久裁廢基

存東至大路南至葛姓山及大路西至李姓山北至舒姓田操場一片亦官地舊志

操場舊在北門外邱家洲明洪武十一年知縣朱宗晦置宏

治年間知縣張伯祥建演武廳後為水衝決遂移於金沙

洲操演

額設防汛戰守兵原額八十名新奉裁一名每月撥十名分

防龍頭汎

舖遞

總舖在縣署前前後共二間前間直壹丈伍尺橫捌尺東至陳姓地西至舒姓地南

後間直貳丈肆尺橫壹丈肆尺東至陳姓地南

至舖地北至街至項姓地西至舒姓地北至舒姓地及舖地

瓦橋舖在縣南十里斛桶山下屋一間直伍丈肆尺橫伍丈

東至田西至田南至大路北至山

益田舖在縣西二十里屋圮地存東至應姓墳地南至陳姓地西至大路北至范姓地

古港舖在縣西四十里屋圮地存東至湯姓田南至水圳西至舒姓田北至塲塍

黃茅舖在縣西六十里嶺頭上屋一間直貳丈陸尺橫肆丈

東至路西至智頂庵店
屋南至山北至大路

招賢舖在縣西八十里上黃土屋壹間直捌丈叁尺橫伍丈

玖尺東至田西至田南
至大路北至田

以上六舖額設舖兵一十三名房舍俱已久圯丈尺四
至仍照舊志開列

坊表

文明坊在縣南三百步宋紹興五年為進士胡敦實立

案舊志載為舉人胡敦實立敦實乃紹興五年進士特
為更正

禮賢坊在縣西大街中宋淳熙八年為進士舒邦佐立今為

舒氏祠

進士坊

一在縣西百步宋景定三年為進士舒櫟立後裔重修今存

一在縣西永樂間為進士胡恭立嘉靖四十一年其孫胡瑞重建

一在縣西百步為進士舒敬立

一在縣東二百步為進士舒玠立

攀桂坊在儒學前元至正十年為解元胡斗元立

德勝坊在縣西二百步為姚狀元立狀元之名舊無可考

登瀛坊在縣西五里石馬都明永樂間為進士李重立

步雲坊在縣東半里明永樂間為舉人洪範立

雲梯坊在縣東三里明正統間知縣周鼎爲舉人余泰立

造士坊在縣南成化間爲京畿道御史舒忠立

後裔重修今存

父子登科坊在縣西三十五里新興都知縣葉金爲舉人陳

恩陳道父子立

文元坊在縣署後爲舉人漆顯畧立

上貴坊在縣治西二百步爲知縣衡守敬立

都憲坊在縣西百步爲御史熊偉立

鍾秀坊在縣南十里知縣劉芳爲員外郎陳謨立

司寇坊在縣西三十里新興都知縣葉轍爲員外郎舒柏立

豸憲坊在縣北廿里熊仙都詹坊爲河南按察使趙文同立

龍恩坊在縣西桃源萬厯元年爲泗州州同漆時霖立

旌孝坊在縣北二百步元至正間爲孝子朱仁二立

旌義坊在縣北三十里追里都明正德元年知縣張伯祥爲

義民杜世文立

廣惠坊在縣治西二百步

積慶坊在縣治南百步

錦橋坊在縣治北百步明正統八年立

肅政坊在北門內明正統九年立成化間知縣張鵬重立更

爲澄清坊

好善樂施坊在西門內百家鎮嘉慶十八年爲捐職州同舒

際昌立

世宦第在縣東馬草湖明巡按李清爲湖廣岳州府通判項璧雲南右衛經歷項謬魯府教授項管立

大夫第在縣西螺地爲維摩州知州舒本立立

京侯第在迴溪爲上元知縣陳文立

冬官第在縣西爲工部主事塗斗鎮立

世大夫第在西門外大街爲奉直大夫廩貢生舒青奉直大夫揀選知縣舒亮裘中憲大夫四川威遠縣知縣舒亮裘立

文林第

一在縣東北三十里熊仙都雲嶺爲明山西榮河知縣趙

瑞立

一在西門外大街爲河南林縣知縣涂玠立

一在西門外大街爲廣東南海縣知縣涂基立

一在埧門內大街爲江南奉賢縣知縣舒慕芬立

雙節坊

一在富仁都萬坊明嘉靖二十四年爲舒綱妻宋氏舒沐妻余氏立

一在棠棣都桃源鶴嶺塏乾隆二年爲儒生漆鳳翔妻徐氏漆鳳來妻舒氏同立

節孝坊

- 一在北門內大街康熙四十五年爲生員舒熾妻廖氏立
- 一在西門外大街雍正二年爲生員涂璋妻舒氏立
- 一在西門外塘上大街乾隆元年爲廩膳生員舒運珽妻宋氏立

一在西門內大街爲生員舒斯奇妻余氏立

一在西門外塘下街爲舒時俊妻劉氏立

一在棠棣都桃源後墩乾隆二年爲生員漆學遜妻舒氏立

一在西門外昭靈祠側乾隆四年爲生員涂進妻余氏立

一在西門內務前角爲應大德妻周氏立

一在夏陂都草坪爲蕭斯鳳妻舒氏立

一在追里都西岡爲徐廣文妻涂氏立

一在熊仙都慶源里爲涂星燧妻李氏立

一在南源都龍邱乾隆十一年爲生員曾應舉妻鄭氏立

以上
舊志

一在南門外後港乾隆二十年爲增生舒正誠妻熊氏立

一在螺地名賢第側乾隆四十一年爲生員舒涵妻劉氏

立

一在追里都雲嶺淺潭埠乾隆四十七年爲貢生趙廷寬

妻周氏立

一在南門外下路街乾隆五十二年為儒童王萬進妻趙

氏立

一在追里都港溪埠上嘉慶二年為監生余蘭妻鄒氏立

一在萬坊橋頭上嘉慶十一年為儒童舒鍵妻李氏立

一在南源都茶坪嘉慶十六年為儒童劉賢璞妻李氏立

一在南門外下路街嘉慶二十年為儒童項文林妻舒氏

立

一在西門外熊家橋頭嘉慶二十一年為監生舒斯模妻

周氏立

一在夏陂都顧山嘉慶二十三年為儒童王斯信妻涂氏

立

一在追里都團岡道光四年為雷紹性妻熊氏立

節烈坊在茗岡嶺道光三年為周秋烈妻楊氏立

水利

水利關於灌溉民生國計胥重賴焉舊志陂塘六十一所省志一百有餘茲照省志開列其舊志載有丈尺者仍附於下業主姓名均不登載所以杜訟源也

舊額陂塘共一百五所

靖安鄉曰承陂

在上安福都澗五丈灌田肆頃

私陂

洪陂

在石馬都澗拾丈灌田肆

頃貳拾柒畝捌分

觀前陂

舊志有觀前堰澗拾丈灌田貳頃當卽此

官陂

在盆田都澗拾丈灌田叁

頃捌 清湖陂 北津陂 南港陂 道塘陂 昭靈陂

上車陂 吳公陂 西新橋陂 黃花堰 潤壹丈深肆小

堰 鄭家堰 潤壹丈灌 觀堰 土堰 在上安福都潤院揚

陂 太平堰 潤壹丈灌田 西邊小堰 曹仙堰 潤壹丈灌

田壹拾捌 千工塘 在上安都周圍伍拾 李源塘 潤壹丈灌

畝玖分 湖尾塘 在石馬都周圍玖拾丈 黃泥塘 巴田

貳拾畝 清陂 白泥塘 在盆田都方廣肆畝

羨門鄉日石陂 潤壹丈灌田貳頃 新田陂 在下安都潤

畝拾 陂前陂 石崖陂 中陂 湖陂 潤拾丈灌 白早陂 潤

丈灌田肆 崖頭陂 潤玖丈灌 中田陂 荒田陂 梅源塘

下陂 舊志有茗源塘在迨里都周圍玖拾丈 竹棚陂 層

陂 潛下陂 南陂 熊師陂 周家堰 潤壹丈灌田壹

分 黃土堰 有二 舊志有黃土堰 山塘堰 城崖堰 田

圳堰 小子堰 土塘堰 有 鄒師堰 雙新堰 清塘堰

戴家堰 箸源堰 白泥塘 潤壹百丈深叁 百工塘 潤

玖拾丈深叁尺 大岫塘 栗樹塘 在熊仙都周圍伍拾

甲堰 潤壹拾丈深肆 烏頭塘 洪家塘 徐家塘 羅

家塘 在熊仙都周圍玖拾丈 破塘 潤壹丈深肆 大橫

塘 小橫塘 在大梓都周圍柒拾丈 灌塘 長塘 旱塘

萬家陂 鄒家陂 欄港陂 小古陂 張婆陂 大

堰

南義鄉曰霍草陂

舊志有清奇陂在富仁都澗拾丈

梅陂

在新青溪陂

灌田肆頃伍拾壹畝

在富仁都澗拾丈

旱水陂

鳥沙陂

興都澗拾丈

廖家陂

土洞堰

澗壹丈灌田貳頃肆拾畝玖分

張家堰

河田堰

在新興都澗壹丈灌田貳頃肆拾畝玖分

長安鄉曰林陂

吳陂

在夏陂都澗壹丈灌田肆頃

梅陂

在夏陂都澗壹丈灌田叁

頃玖拾伍畝伍分

羊婆陂

判陂

在夏陂都澗壹丈灌田拾頃

香陂

馬

草湖堰在東門外隄長陸拾肆丈伍尺流分南北兩圳

口俱堅砌牙石埭圳石口

閘柴尺肆寸灌東江田千有餘

畝南圳口澗捌尺肆寸灌夏

陂田陸千餘畝俱勒載碑記

馬蓼陂

在夏陂都澗壹丈灌田貳頃

石陂

在黃

黃堰

長樹堰

在夏陂都澗壹丈灌田捌拾畝

冷水塘

在東江都澗壹丈灌田伍尺灌田

壹頃貳拾畝

仁坑堰

舊志有仁坑塘在東江都澗壹丈灌田叁百畝當即此

周家陂

招賢鄉曰苦竹堰

續增陂塘

松山陂

即熊仙陂在熊仙都澗伍丈灌田叁頃陸拾畝

落山陂

在熊仙都邱家潭伍丈灌田叁頃陸拾畝

尺灌田叁百餘畝

化陽陂

在迨里都大畔橋下長壹拾壹丈

兩美

在黃

陂

在熊仙都包姓門首左側隄長捌丈壹尺

張婆堰

在黃

頭惠廟前長肆拾陸丈

周家陂

在象湖都澗壹丈灌田玖拾畝

大堰

在夏

伍尺灌哲里田百餘畝

雲山官堰

在棠棣都二畝澗叁

石嘴堰

在東江都澗叁

伍丈高陸尺澗伍尺灌田陸百餘畝

城隍堰

在棠棣都澗伍丈深肆尺灌

泥六堰

在棠棣都澗伍丈深肆尺灌

拾餘頃

侯家灣堰

在土門坳口長伍拾畝

泥六堰

在棠棣都澗伍丈深肆尺灌

卷之二

建置

卷之二

建置

利址堰

在麓岡王姓基後灌

層堰

在熊仙都三畝土名橫

堰

距層堰半里迴塘石堰

土名迴頭山

以上三堰自熊

仙棠港而下至迤里仁首西莊

壇前堰

在盆田都壹畝名雙港口高伍丈

茂埠等處共灌田叁千餘畝

在盆田都壹畝名孫家村高

肆丈

瀾戩拾肆丈灌

白沙湖堰

陸尺長叁拾叁丈灌田壹千肆

畝

洋濠堰

在東江都本自烏石潭入流至周家埠潛姓基

之從善鄉奉州低而靖州高中設橋木一根康熙三十五

年重修乾隆十六年正月靖奉二縣會勘用新頒部尺量

驗長貳丈陸尺肆寸圍圓叁尺叁寸上下松栝貳拾肆個

安橋木處所離靖州口陸丈肆尺貳寸灌田捌千畝乾隆

十九年因奉邑監生余開估等爭係奉民開墾致奉邑監

生潛曰寰等控告經南昌府知府朱若炳勘定詳准永遠

以橋木定為準繩不許上下那移飭令

上塘

在迤里都澗

勒碑載志以昭徵信文案附載藝文後

塘

拾文肆尺

新增陂堰

崖下堰

在富仁都石亭新堰

在縣西門外侯家渡

葛仙堰

在棠棣都灌田貳百餘畝

以上三

茶坑古堰

堰均於前修府志案內據冊增入

在熊仙都澗肆丈叁尺

餘

餘

熊家堰

在棠棣都灌田百餘畝

畝

石壁古堰

在大梓都澗肆百

畝

灌田陸

百餘畝

縣城七井

舊說縣案山火形故

一在縣署聽訟廳左曰洗冤之澤

一在關王廟右曰忠貞之泉

一在顯福廟前曰里城舊泉

一在稅課局西曰行商之濠

邑人應君正

舊建井欄

建置

一在塘下巷口曰鄉間舊沐

一在縣南曰花封恩乳

一在聖堂廟巷口曰感應神惠

法藥寺井在寺內曰慈惠古澤唐僧馬祖飛錫於此值邑人疫作以錫鑿地出水飲之皆愈今井泉清潔大旱不竭青龍井在縣前旌善亭側知縣井一成所鑿

分司井在 上諭亭後舊爲布政分司行署明正德間副使吳一貫勦賊屯兵於此時溽暑慮軍乏水於至公堂後命工鑿井發以磚石一日而就後知府李承勛按部至縣命知縣萬士賢銘於井欄曰潔潔用爲美寒泉體爲奇體用已兼備大成斯可至

井泉有二一在上安福都灌田數百畝宋殿丞袁陟有詩一在石馬都上林東南灌田肆百伍拾畝

以上各井俱仍舊志不復重增

津梁

金沙渡卽黃富渡在縣西

北津渡在縣北後建橋今圯復改渡

官陂渡在縣西一里北石馬

府志作
若馬誤

樟樹渡在縣東一里

雞冠渡在縣西十五里益田都

水口渡在縣西十五里益田都

中港渡在縣西二十五里棠棣都

秋冬易以木橋

仁首渡在縣東二十六里追里都

嘉慶十七年里人公建木橋春夏水漲仍用舟

招賢渡在縣西廿八十里礫坑都

古港渡在縣西四十里富仁都

棠港渡在縣東二十五里熊仙都

榨田渡在縣北三十五里大梓都

鴨婆渡在縣東十里夏陂都

周口渡在縣北二十五里象湖都

吉樂渡在縣東南五里東江都

湯河渡在縣西三十里高湖

以上舊志

凌崖渡在縣西南十里熊仙都

從府志增

沙河渡在縣西十里

淺潭渡在縣東二十五里

下觀渡在縣西三十五里

廟前渡在縣北四十里寶峯龍王廟前

石橋在縣承恩坊久圯

臨清橋在縣東南一百八十步

府志明洪武中知縣曾允中建

市橋在縣治西南卽花橋又名雷洞橋

府志朱邑人舒邦佐妻閔氏建

青雲橋在縣東南一百五十步明隆慶三年邑人錢文五六

錢文八五錢中十二錢文百一兄弟建

北津橋在縣北門外宋邑人舒邁建後橋圯改爲官渡順治十六年其裔孫應申倡修石墩八座橋屋二十八間費繁不繼鬻產竣工南建石坊額曰觀音橋北建觀音石閣康熙五十三年六月六日大水傾圮雍正六年知縣黃天球倡同董事舒賢生涂光盛重修乾隆十一年署縣司徒宜復倡修橋屋葺南岸舊坊建天姥宮與觀音閣夾護橋梁董事舒采成舒親生舒書涂光簡乾隆五十八年大水復衝圮

錦橋一名繡谷橋距縣治北三百步

南港橋在縣南半里宋舒邦佐妻閔氏建

登高橋在縣東南半里宋邑人舒選建

清湖橋在縣西一里宋邑人舒逸建

黃石橋在縣西六十里明嘉靖間富仁都道士劉智惠劉傳

明余圓珊道淨等募修石墩木橋傍創庵院置袁洞山一

片東至羅宅山南至尖潭西至騎崗北至老路上栽杉木千餘根以備修葺雍

正三年知縣黃天球倡修石甃甫成而圯後邑紳涂玠更

捐建墩屋復被水衝廢今合邑公建木橋

雅橋在縣南十里夏陂都

長安橋卽安定橋在縣南十五里夏陂都

章陂橋在縣西二十里新興都久廢

通化橋在縣南十里夏陂都

沙港橋在縣西十里盆田都明宏治年間書堂庵僧明清募建旋爲水衝廢知縣張伯祥重修嘉靖元年復圯四十年道士劉智惠募修木橋天啟間里人陳應慶三次捐建石墩

高湖橋在縣西三十里新興都

嘉慶七年職員熊文炳舉人熊燧倡捐銀壹千貳百伍拾

柒兩借其族人合捐銀伍百貳拾貳兩改建石橋

塘埠橋在縣西六十里忠夏都

登瀛橋在縣西三十五里新興都韶里陳孝子建

北津後河橋在觀音橋後康熙三十年建

白魚橋在縣南十五里夏陂都

解家橋在縣東十里夏陂都

長坑橋在縣西北七十里通武寧縣路

密溪橋在台山庵前通安義縣大路距橋五百步卽兩縣界

牌

桃溪橫板橋在縣西三十里棠棣都乾隆十二年監生漆學

祿妻舒氏捐建

司徒宜有記
以上舊志

凝禧觀前石橋在縣北十里石霞保監生胡輝祖捐建

崖口石橋在縣北十里夏陂都石霞保里人公建

遼源石橋在縣北三十里熊仙都監生

捐建

洞口石橋在縣西九十里茶坪保里人劉姓公建

楓林石橋在縣西北九十里礫坑都峇岡里人周一茂妻程

氏捐建

藕潭石橋在縣北四十里寶峯里人從九品黃友璧捐建

龍岡嶺下橋在縣西三十五里里人公建

補表坊

宣仁坊在縣西三十步正統元年立